

# Re ikgantšha ka setšo sa rena

## Dipotšišo tša pele ga go bala

1. O rata setšo sa geno?
2. Ke sefe setšo sa geno?
3. Ke ka lebaka la eng o rata goba o sa rate setšo sa geno?



Makgwana ke mosetsana wa go bala Mphato wa 3 sekolong sa Bokamoso ka Limpopo.

Makgwana o na le mengwaga ye senyane ebile ga senke a bušetša mphato.

Makgwana o ipshina ka sekolo ka ge a le bohlale kudu. Batswadi ba ikgantšha ka yena, barutiši ba rata mošomo wa gagwe.



Makgwana o rata setšo sa gabo kudu ebile o binela mmino wa setšo sekolong. Ke yena a kgoboketšago barutwana go ya go bina ka morago ga sekolo. Ke yena le koko Tema ba kgoboketšago barutwana motseng wa gabo wa Lekgwareng. Koko Tema o rata go kgoboketša bassetsana le bašemane a ba ruta mmino wa setšo. Makgwana o fela a hlohleletša bana motseng wa gabo go tlo bina le bona.



Basetsana ba rshina ka go bina mmino wa setšo ge dikolo di tswaletšwe le ka Mekibelo.

Bašemane ga ba nyake go phalwa, le bona ba thomile go bina kiba lenyaga. Motseng wa Lekgwareng, bana ba mengwaga ya go fapana ba tšwele ka makate-a-namane.

Go thunya lerole, moropa o tlapela seatla ebile go lla le ditšhwantšhwadi.



Hlogo ya sekolo a kgopela koko Tema  
gore a fele a etla sekolong.  
O kgopetše koko Tema gore a fele a  
thuša ka go ruta barutwana go bina.  
Koko Tema a thabela go ruta basetsana  
ba sekolo go bina mmimo wa setšo.  
Sehlopha sa bašemane sa go bina kiba  
sa rutwa ke morutiši Sako.  
Morutiši Sako le yena ke sebini sa koša,  
o tseba go letša le moropa.



Dikolong tša ka Limpopo go ba le diphadišano tša mmmino wa setšo. Makgwana o inshina kudu ge go na le diphadišano tša mmmino wa setšo. O a kgahlega, o tseba gore sehlopha sa bona se tlopa sefoka ka mehla. Diphadišano tša mmmino di thoma dikolong, tša ya sedikothutong tša leba profenseng. Go tloga profenseng, diphadišano tša mmmino wa setšo di ya diphadišanong tša bosetšhaba.



Ge dikolo di tše di itokišetša diphadišano motseng, e be e le sephethephethe. Badudi ba rata go bona dihlopha tša bona tša mmmino wa setšo di tšwelela. Batswadi ba rata seo se dirwago ke koko Tema, o ba thuša go hlokomela bana.

Koko Tema o thuša gore bana ba se be le megopolo ya go tšwa tseleng.



Batswadi ba Mmakgwana ba mo romile go reka borothe le benkeleng la kgauswi. Makgwana a bona phousetara e pharilwe lefasetereng la lebenkele la kgauswi.

Mahlo a gogwa ke ge phousetareng yeo go beilwe seswantšho sa basadi.

Ge a batamela o bona e le seswantšho sa basadi ba go bina mmimo wa setšo.

Ge a bala a bona e le taletšo, ekaba ke taletšo ya eng phousetareng ye?



Makgwana a thaba kudu ge a bona phousetara ya go taletša dihlopha tša mmino.

Go tloga ga gagwe lebenkeleng, Makgwana a kitimela go koko Tema. A mmotša ditaba tše o tše dibose tša gore o bone taletšo lebenkeleng. Koko Tema a thaba kudu gomme a kgopela Makgwana gore ba šome kudu. Ba swanetše go itokišetša go ya go bina lepatlelong la Peter Mokaba ka letšatši la bohwa.



Makgwana a tshepiša koko Tema gore ba ka se mo nyamışe, ba tla šoma ka maatla.

Makgwana a tshepiša koko Tema gore ba tla itokišetša letšatši leo la bohwa. Ge a fihla gae a botša batswadi ka phadišano ya mmimo wa setšo.

A kgopela tatagwe gore a mo tlele le foromo ofising ya mmasepala ka toropong.

Naa ke foromo ya eng ye Makgwana a kgopelago tatagwe go mo tlela le yona?



Ngwaga ka ngwaga ka letšatši la bohwa go ba le ditiragalo tša setšo profenseng ya Limpopo.

Mmušo wa profense ka tšhomišano le mmušo wa selegae ba dira moletlo Profenseng ya Limpopo.

Ba dira moletlo wo mogolo wa go keteka bohwa bja naga ya rena ya Afrika Borwa. Go ketekwa ditšo tša go fapana tšeo di lego gona ka Profenseng ya Limpopo.



Moletlong woo, go ba le mehutahuta ya ditiragalo. Go na le dipapadi tša setšo tša go fapana. Go swana le diketo, kgati, morabaraba, mmino wa setšo le dijo tša setšo. Meaparo ya setšo, dibjana tša setšo, bjalobjalo. Go tloga go kgahliša e le ruri. Batho ba kgona go ithuta ditšo tša bona le gore ba se lebale mo ba tšwago.



Ka Profenseng ya Limpopo go na le batho ba ditšo tše nmalwa tša go fapana.

Batho ba ditšo tša go fapana ba dutše mmogo ka khutšo profenseng ye.

Ka letšatsi la bohwa ka moka ba rata go bona setšo sa bona se bonagala.

Ka letšatši le go kopana mehlobo ya Bapedi, Batsonga, Bavenda, Matebele, Maisimane le Maafrikanere. Makgwana o be a duma go ipona a le ka gare ga mehlobo yeo ka moka.